

260-261_Reglamaint structuras dal di scoula Val Müstair



Instituziun responsabla per la scoula:	Scoula Val Müstair, 7537 Müstair
Chasas da scoula partecipadas:	Müstair, Sta. Maria e Valchava
Persuna da contact:	<i>Aita Stupan e Flurina Oswald, mainascoulas</i> <i>Via Funtauna 44, 7537 Müstair</i> <i>E-mail: ms@scvm.ch</i>
Valabel a partir dal(s):	01.08.2025

Cuntgnü

1	general	2
2	organisaziun da la sporta	3
3	retschercha da bsögn, vacanzas e dis da festa	3
4	tariffas	4
5	absenzas, s-chüsas	4
6	sgüranzas	4
7	infuormaziun e responsabiltà	4
8	entrada in vigur dal reglamaint	4

260-261_Reglamaint structuras dal di scoula Val Müstair	data: 26.03.2025 substituïsch document dals: 25.06.2024	versiun: 2.0
dat liber da: cussagl da scoula	dat liber ils: 24.04.2025	valabel dals: 01.08.2025

1 general

La sporta da la las structuras dal di as drizza a tuot ils genituors da las scholaras e scholars da la scoula Val Müstair. Quista va a favur da genituors chi giavüschan, p.ex. our da motivs professionals o famigliars, per lur uffants üna spüerta da chüra dadour il temp d'instrucziun.

Spüerta

Sco structuras dal di supplementaras pon valair spüertas sco:

- maisa da mezdi
- ura da lezchas (a da sbaratter cun lecziuns supplementaras d'agüd; quia lavuran las scholaras e'ls scholars independentamaing, però suot survaglianza)
- spüertas da hobi e sport

Premissas legalas

Sper las uras da bloc pels ciclus 1 e 2 prevezzan la ledscha da scoula e la „ledscha davart la promoziun da la chüra d'uffants complementara a la famiglia i'l Chantun Grischun“ da s-chaffir structuras dal di supplementaras.

I'l uorden da las structuras dal di ha la regenza definà las directives.

1. Uraris

chüra da l'avantmezdi:	7.30 – 8.30
chüra da mezdi:	11.55 – 12.40/13.30 (maisa da mezdi, detagls verer suotvart)
chüra dal davomezdi:	davo l'instrucziun fin il plü tard a las 18.00

2. Unitats d'assistenza

Sco unità d'assistenza vala ün'ura. La chüra da mezdi correspuonda ad ün'unità.

3. Bsögn

Ün bsögn es avant man scha almain 8 scholaras e scholars as oblieschan da profitar d'üna tscherta unità d'assistenza pel prossem on da scoula. Las instituziuns chi sun respunsablas per la scoula eruischan minch'on il bsögn.

4. Dürada

In cas da bsögn düra la spüerta d'urant las eivnas da scoula da lündeschdi fin venderdi, cun excepziun dals dis da festa, da las 7.30 fin 18.00.

Spüerta maisa e chüra da mezdi

La maisa da mezdi da la scoula da Val Müstair pussibiltescha a scholaras e scholars da scoulina fin 9avla classa da mangiar giantar ed esser accompagnà sur mezdi fin chi cumainza la scoula il davomezdi. Il temp da mezdi düra da las 11.55 fin las 13.30 (cun excepziun da tscherts dis l'eivna pel ciclus 3 d'urant ils quals la scoula cumainza fingà la prüma lecziun dal davomezdi, las 12:40). D'urant quist temp vegnan ils scholars p.ex eir accompagnats d'urant chi fan las lezchas, fan gös, giouvan da cumpagnia etc.. Il transport cul bus da scoula nun es accompagnà.

Per la maisa da mezdi pon ils respunsabels per l'educaziun tscherner tanter las seguintas variantes:

- *maisa da mezdi "light"* - il giantar vain tut cun sai da chasa (cuschinà a chasa e pront per s-chodar i'l local da la maisa da mezdi)
- *maisa da mezdi "plus"* - il giantar vain furni dal Center da sandà Val Müstair

- *maisa da mezdi “cuort”* - valabel be pels uffants dal ciclus 3 pels dis dūrant ils quals l’instrucziun cumainza fingià las 12:55. Possibilità da tscherner a regard pasts tanter varianta “light” e “plus”.

Detagls davart quistas variantas as chatta suot ils puncts 2 e 4 da quist reglamaint.

Per la sporta vaglian las directivas da la ledscha da scoula chantunala e las ordinaziuns correspundentas da las structuras dal di dal Chantun Grischun. La sporta es facultativa. A partir da 12 uffants stan duos persunas a disposiziun per l’accompognamaint. Las persunas d’accompognamaint sun persunas qualifichadas chi suottastan a las reglas d’impiegats per scoulas publicas.

Uffants chi fan adöver da la maisa da mezdi as tegnan vi da las reglas da scoula ed han d’obedir a las persunas chi tils accompognan. Sch’üna scolara o ün scolar disturba cuntinuantamaing l’andamaint, eir davo ün discuors culs genituors ed ün’admoniziun in scrit, po el gnir exclus da quist servezzan. La lingua d’accompognamaint es rumantsch.

2 organisaziun da la sporta

La maisa da mezdi vain sporta illa stanza da scoula sper la cuschina da la chasa da scoula a Sta. Maria. Ils scholars gūdan a metter ad ir il local per giantar e sustegnan a las manadras scha quai fa dabsögn. Ils pasts pon obain gnir tuts svesch da chasa (maisa da mezdi “light”) o vegnan furnits dal Center da sandà Val Müstair (maisa da mezdi “plus”) - tenor giavüsch dals genituors. Per quels chi piglian ils pasts da chasa daja la possibilità da s-chodar il damangiar. Aua, magöls e posada vegnan miss a disposiziun da la scoula. Pels dis cha ils/las scholars:as dal ciclus 3 han scoula fingià la prüma lecziun dal davomezdi vaglia la sporta da la maisa da mezdi “cuort”. La sporta es survagliada. A regard pasts daja la possibilità da tscherner tanter las variantas “light” e “plus”.

Dūrant il sogiuorn i’ls locals da la maisa da mezdi es l’adöver da medias electronicas scumandà. La persuna accompagnanta passera pel uorden e pella disciplina dūrant il sogiuorn.

Ils scholars rivan intuorn las 12:00 in scoula a Sta. Maria (davent da Müstair e Valchava cul cuors da scoula). I vain mangià giantar da cumpagnia fin ca. las 12.30. A partir da las 12.35 ha l’uffant la possibilità da far lezchas. El survain sustegn da la persuna accompognatoria sch’el ha dumondas, ma sto esser abel da tillas schoglier sulet. Pro quist accompognamaint nu’s tratta da lecziuns d’agüd. Tuot tenor sun eir pussibels programs alternativs. Uffants chi vegnan a la maisa da mezdi nu sun obliats da far lezchas dūrant quist temp. Illa stanza chi vain fat lezchas nu das-cha gnir fat canera.

L’adöver da medias electronicas (telefonin e computers) es scumandà pels uffants dals ciclus 1 e 2. Ils/Las scholar:as dal ciclus 3 pon dovrar quistas in ün lö definà davo il giantar. Davo giantar das-chan ils uffants, scha pussibel, ir our il liber cun üna persuna accompagnanta.

3 retschercha da bsögn, vacanzas e dis da festa

Quist servezzan vain sport scha la cifra minimala da la ledscha chantunala vain raggiunta (8 scholars per unità d’assistenza). Pro damain annunzchas as retegna il cussagl da scoula il dret da decider tenor pussibilitats. La retschercha davart il bsögn vain fatta minch’on dūrant ils mais avrigl - mai (davo chi sun fats ils uraris dal prossem on da scoula), uschè cha davo las vacanzas da prümvaira poja gnir comunicà als genituors che sporta chi po gnir pussibilitada. Las annunzchas dals genituors sun impegnativas e valan per tuot l’on da scoula. Schi dà dūrant l’on sortidas da famiglias chi van davent dal cumün, schi nu sun quellas decisivas per la sporta.

Ulteriuras sportas da structuras dal di (accompognamaint dals scholars avant ils temps da bloc e dal davomezdi) vegnan organisadas in chasa da scoula e quai schi’d es avantman l’interess tenor ledscha da scoula. La maisa da mezdi vain sporta scha pussibel pels dis da l’eivna da lündeschdi fin venderdi.

Dürant las vacanzas e dis sainz'instrucziun (p. ex. dis da festa) nu daja la pussibilità da far adöver da quista sporta.

4 tariffas

Per la maisa da mezdi e las sportas implü vaglia il reglamaint da cuosts chi'd es üna part integrativa da quist reglamaint (verer ultima part).

Müdamaints da tariffa sun pussibels be al cumanzamaint da minch'on da scoula e vegnan comunicats fin la fin da mai e valan a partir dal prossem on da scoula.

Il genituors survegnan duos jadas l'on (december e gün) ün quint pel servezzan da l'instituziun chi'd es responsabla per la scoula. Pro absenzas plü lungas d'ün scolar/a (p.ex. malatia, far müdada etc.) vain fat oura il quint pro rata.

5 absenzas, s-chüsas

Sch'ün scolar nu po gnir üna jada a las sportas da las structura dal di – causa absenza da malatia, jokers ed oters impedimaints persunals – esa giavüschà da comunicar quai sur scola. I nu vain restitui ingüns cuosts per quistas absenzas da la las structura dal di.

6 sgüranzas

Las sportas da las structura da di sun üna part dal manaschi da scoula e perquai suot la responsabiltà dal portader da scoula. Perquai valan eir per la part da las sgüranzas las premissas tenor la ledscha da scoula art. 52.

7 infuormaziun e responsabiltà

Las personas d'accumpognamaint e las mainascoulas comunicheschan regularmaing sur da puncts importants davart l'organisaziun e davart il svilup dals uffants. Il genituors sun in dovair d'infuormar a las mainascoulas sur da fats da sandà (p.ex. allergias, tour medicamaints etc.). I nun es permiss da tour part a la maisa da mezdi in cas da malatia (scha l'uffant es amalà ed es s-chüsà per l'instrucziun da scoula).

La responsabiltà strategica da la maisa da mezdi suottastà al cussagl da scoula, l'operativa a las manadras da scoula. Pels pasts tuts da chasa e pel material d'imballascha da tals (copalas chi's po s-chodar aint il microuonda) sun responsabels il genituors. Il pasts chi vegnan furnits dal Center da sandà Val Müstair vegnan organisats da la scoula Val Müstair. Dumondas o criticas dessan gnir inoltradas a las manadras da scoula.

8 entrada in vigur dal reglamaint

Quist reglamaint va in vigur pel cumanzamaint da l'on da scoula 2025/2026.

Müstair, ils 26 marz 2025

fat bun dal cussagl da scoula als 24.04.2025
Aita Stupan e Flurina Oswald, manadras da scoula

Reglamaint da cuosts per las structuradas dal di da la scola Val Müstair - on da scola 2025-26

Per l'on da scola 2025-26 vain sport il seguaint a regard las structuradas dal di:

General

Müdamaints da tariffa sun pussibels be al cumanzamaint da minch'on da scola e vegnan comunicats fin la fin d'avrigl e valan a partir dal prossem on da scola.

Il genituors survegnan duos jadas l'on (december e gün) ün quint pel servezzan da l'instituziun chi'd es responsabla per la scola. Pro absenzas plü lungas d'ün scolar/a (p.ex. malatia, far müdada etc.) vain fat oura il quint pro rata.

Cuosts chüra da mezdi e maisa da mezdi "light"

Il cuosts sun il seguaints pels uffants da la 1a fin 9avla classa:

uffant/s	ün di l'eivna	duos dis l'eivna
1 uffant	140.- l'on	240.- l'on
2 uffants	240.- l'on	440.- l'on
3 uffants	340.- l'on	640.- l-on
4 uffants	440.- l-on	840.- l-on

Il cuosts pels uffants da scoulina s'amuntan ad ün predscha pauschal da CHF 50.- / on. Quista reduenziun vain fatta pervi cha'ls uffants da scoulina han la pussibiltà da tour part be d'ürant il temp tanter las vacanzas d'utun e las vacanzas da primavaira, cur chi nun han lur di da god.

Cuosts chüra da mezdi e maisa da mezdi "plus"

Pro past ed uffant vain miss a quint 6.- francs. Il cuosts per la chüra da mezdi sun analogs a quels pels uffants chi piglian s'vess il giantar da chasa (verer tabella survart). Quists duos imports vegnan miss quint als genituors.

Cuosts maisa da mezdi "cuort" (be pel ciclus 3, pels dis chi cumainza l'instrucziun las 12:40)

La surveglianza va a charg da l'instituziun chi'd es responsabla per la scola. I vegnan miss a quint be il cuosts pels pasts furmits dal Center da sandà Val Müstair (verer survart maisa da mezdi "plus"). Pels uffants chi piglian s'vess il damangiar da chasa (maisa da mezdi "light") es quista sporta gratuita.

Cuosts uras da lezchas e spüertas da hobi e sport

Pro unità d'assistenza vegna miss a quint als genituors 5 francs.

Tut cugnuschentscha dal reglamaint da las structuradas dal di e dal reglamaint da cuosts per las structuradas dal di da la scoula Val Müstair:

nom(s) dal(s) genituor(s) _____

genituor(s) da (nom e classa): _____

lō e data: _____

suottascripziun genituor(s) _____